

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Коми Республикаса Юралысьлөн өткымын индөдө вежсьөмъяс пыртөм йылысь

Шуа:

1. Пыртны «Неминучаясысь өлөдөм да найөс бырөдөм да пöжарысь видзчысьöмсö могмөдөм серти Коми Республикаса комиссия йылысь» Коми Республикаса 2020 во рака тöлысь 25 лунся 18 №-а Индөдө татшöм вежсьöмъяс:

Неминучаясысь өлөдөм да найөс бырөдөм да пöжарысь видзчысьöмсö могмөдөм серти Коми Республикаса комиссия йылысь Положениеын, кутшöмöс вынсьöдöма Индөдөн (2 №-а содтöд):

1) 3 пунктса 6 пунктыв гижны тадзи:

«6) участвуйтны финансöвöй да материальнöй ресурсъяс лöсьöдöмын, могмөдны Коми Республика мутасын муниципалитетъяс костын да дінмуын неминучаясысь өлөдөм либö найөс бырөдөм вылö материальнöй ресурсъяслөн резервысь материальнöй ресурсъяс лэдзöмсö»;

2) 9 пункт гижны тадзи:

«9. Коми Республика мутасын муниципалитетъяс костын да дінмуын неминучаяс бырөдөм вылö материальнöй ресурсъяслөн резервысь материальнöй ресурсъяс лэдзöм йылысь помшүöмсö примитöны Коми Республика мутасын муниципалитетъяс костын да дінмуын неминучаяс бырөдөм вылö материальнöй ресурсъяслысь резерв лöсьöдан, сыөн вöдитчан да сійöс бөр содтан пöрадок серти, мый вынсьöдöма Коми Республикаса Вескөдлан котырлөн 2011 во вöльгым тöлысь 7 лунся 494 №-а шүөмөн (1 №-а содтöд).».

2. Пыртны «Содтöд дасълун режим пыртөм йылысь» Коми Республикаса Юралысьлөн 2020 во рака тöлысь 15 лунся 16 №-а Индөдө татшöм вежсьöмъяс:

1) водзкывйын «, «Олысьясöс лоан лёкторъяс йылысь тöдмөдöм могысь федеральнöй олöмö пöртысь власьт органъяслөн, Россия Федерацияса субъектъяслөн олöмö пöртысь власьт органъяслөн, меставывса асвеськөдлан органъяслөн связь операторъяскöд да йöзöс юöртан средствояслөн редакцияскöд öтув уджалан пöрадок йылысь» Россия Федерацияса Вескөдлан котырлөн 2020 во öшым тöлысь 2322 №-а шүөм» кывъяс киритны;

2) 5.8 пунктлөн медводдза абзацын «, поводдялөн артман условиеяс йылысь» кывъяс киритны.

3. Тайö Индöдыс вынсялö сійöс официальнöя йöзöдан лунсянь.

Коми Республикаса Юралысь

В. Уйба

Сыктывкар

2024 вося кӧч тӧлысь 17 лун

117 №